

■ EUSKERAZKO PRAKTIKALDIAK BURUTZEKO EGITASMOAK EUSKADIN ETA BURUNTZALDEAN

Lanbide Heziketa, euskeraren bidean

Koldo Ulanga Usurbilgo Lanbide Heziketa ikastetxeko irakaslea da. Eta lantoki duen Usurbilgo ikastetxean bertan kokatzen da Laneki, Euskadiko lanbide heziketa ikastetxeetan euskararen alde lanean dabilen elkarte.

Garrantzia haundikoa da, gaur egun Arabako, Bizkaiko eta Gipuzkoako Lanbide Heziketako ikastetxe publikoak (Ikaslan) eta kontzertatuak (Hetel) bere baitan biltzen dituelako.

KOLDO Ulanga andoaindarra Usurbilgo Lanbide Heziketa ikastetxe publikoan euskera batzordeko dinamizatzailea da. Berarekin izandako solasaldian, hasteko eta behin euskeraren aldeko egitasmoetan talde lanak duen garrantzia nabarmendu nahi du: «euskeraren aldeko lana ez dut nire helburu modura hartzen, taldearena baizik. Euskera batzordean sei kide gara, ikastetxearen atal bakoitzeko ordezkari banarekin. Eta, noski, funtsezkoa da irakasleen, irakasle ez diren langileen eta ikasleen inplikazioa. Denon parte hartzerik gabe, jai dugu».



Koldo Ulanga andoaindarra, Usurbilgo Lanbide Heziketa ikastetxean.

Lanbide Heziketako ikastetxeak euskararen bidean garapen handia izan du, behar eta zailtasun beretsuak dituzten beste ikastetxe askok bezalaxe. Horiek guztiak Laneki elkarreko kide dira, behar handieiei erantzuteko sortu zena: «bere garaian lanbide heziketa euskeraz eskaintzeko zeuden hutsuneak osatzeko sortu zen. Nabarmenena, ikas-materiala. Zorionez, sektore publiko eta pribatuko ikastetxeak elkartu gara. Euskera ez da gure artean bereizteko erabili behar den arma bat, baizik eta denon artean pauso txikiak emanez normalkuntzan aurrera egin genezan. Euskera gu guztiok batzen gaituen faktorea da».

Ikasleen praktikaldia euskeraz bideratzea izan da Lanekiren erronketako bat. Berriki, behar hori asetzeko Lanpres izeneko gida argitaratu dute. Sorburuaren berri ematen du Ulangak: «euskeraz ikasi arren, praktikak egiteko garaian erabilitako hizkuntza gaztelania izaten zen. Beste elementu batzuk lehenesten ziren: enpresaren estiloa, ikaslearen perfil teknikoa... Azken sasoiaren kontzientziario lana egiten ari gara euskera faktore eraginkor horietakoa izan dadin. Gidak horretan lagundu nahi du, genuen kezka horri erantzuteko tresna bat da».

Lanpres gidak zehazten duena betetzeko eragile guztiek parte hartu behar dute: alde batetik, praktikaldian dagoen

ikaslea eta bere ikastetxeko tutorea, lan praktiken koordinatzailea eta euskera batzordeko koordinatzailea. Beste aldetik, enpresako hezitzailea. Gidari jarraiki, praktikaldiaren jarraipen zehatza egiten da, ebaluazioa eta guzti. Gidak izan duen abiapuntua garrantzia berezia du Ulangarentzat: «aurkezpen ekitaldia Euskaldunan egin zen eta bertan izan ziren Cristina Uriarte Eusko Jaurlaritzako Kultura sailburua, Patxi Baztarrika Hizkuntza Politikarako sailburuordea, hiru Foru Aldundietako euskerazuzendariak, Lanbide Heziketako burua eta baita hainbat enpresari ere. Denen beharra dugu, botere publikoena eta enpresa pribatuena».

Buruntzaldean urrats bat aurrerago doaz. Euskadi mailan Lanpres gida txertatzen doan heinean, horren ondotik eskualdean osagarria den egitasmoa sustatzen ari dira Buruntzaldeako udalak. Praktikaldia egingo duen ikaslea, ikastetxeko tutorea eta enpresa, hirurak, murgildu dituzte egitasmoan, jarraipena eta baliabideak eskainiz lantokiko prestakuntza hori euskeraz burutu dadin. Aurten bi ikasle ari dira egitasmo horretan, Mendiola eta Euskabea enpresetan praktikaldia eginez.

Koldo Ulangaren lan bizitza heziketara lotuta egon da. Eskarmentuak ematen dion ikuspegiarekin, zuhur hitz egi-

«Erakunde guztiak norabide berean jartzen ari gara, eta horrek etorkizuneko egitasmoetan garrantzia handia izango du».

ten badu ere, baikor izateko bi argudio nagusi eskaintzen ditu. Lehena, erakundeen artean ematen ari diren sinergiak: «ikastetxeoi euskeraren sustapenean Eusko Jaurlaritzako Hezkuntza saletik ordu lektiboak eskaintzen dizkigute, FPko idazkaritzatik babes osoa, Laneki elkarte lanean ari da, baita Buruntzaldeko udalak ere. Eta azken urteetan Foru Aldundia batu zaigu. Horiek guztiak norabide berean jartzen ari gara, eta horrek etorkizuneko egitasmoetan garrantzia handia izango du».

Bigarrena, azken hamarkodotan euskarak izan duen garapena: «gurea hizkuntza minorizatua da, eta oraindik ere lan asko dago egiteko. Baina nire esperientzia pertsonala hartuta, aldaketa handia eman da. Ikasten nengoen lanbide heziketa erdara hutsean eskaintzen zen. Irakasle euskaldunak topatu zituzkeen, baina dena erderaz

egiten genuen. Orain, bere mugekin, euskeraz ikasteko aukera dago. Ikastetxea euskera hedatzeko oso tresna baliagarria izan da». Edalontzia erdi betea ikusten duen horietakoa da Koldo Ulanga.

Etekin handiko zikloak


Andoaingo La Salle Berrozpe ikastetxe kontzertatua ETHAZI (Etekin Handiko Zikloak) heziketa ekimen berritzaile batean burubelarri dabil, zeinetan euskerazko ikasleak onuradun bilaka daitezkeen. Ikastetxea bide berriak urratzen ari da Euskadiko beste lau ikastetxerekin batera (horietatik hiru publikoak, eta beste bi kontzertatuak). Jokin Egurbide irakasleak xehetasunez azaltzen du egitasmoa: «ikasleei ez diegu temarioa banatzen. Arazoak dira mahai gainean jartzen zaizkionak, eta ikasleek arazo horiei irtenbidea emateko beharrak identifikatu behar dituzte. Behar horiek menderatzeko ikasketa batzuk egin behar dituzte, eta beraz formakuntza beharren arabera lantzen da. Talde lanean egiten da hori guztia. Ikasturte honetan taldeak egiteko garaian irizpideen artean hizkuntza ipini dugu. Beraz, gela berean bost euskaldun topatuz gero, bost horiek talde berean egongo dira. Hartara, ikasturte osoan euren hizkuntza euskera izango da. Talde horren funtzionamendua, beraz, D ereduakoa da. Gela osoa kontutan hartuta, demagun 23 ikasle euskaldun daudela eta beste bi erdaldun. Bi horiekin talde bat osatuko dugu. Horien funtzionamendua A ereduakoa litzateke, eta gainerako guztia D ereduakoa».

Dagoeneko La Salle Berrozpera Euskadi osoko irakasleak hurbiltzen ari dira, sistema horren garapena gerturik ezagutzeko. Aurreko astean, esaterako, 60 irakasle egun osoko jardunaldia egin zuten Andoain. Denborarekin, ETHAZI Euskadi osoko lanbide heziketan txertatuko den sistema izango da. Ikasleen euskerazko trebakuntza bermatzeko abantaila izango da. ■




Jokin Egurbide, La Salle Berrozpe ikastetxeko irakaslea.

HIZKUNTZ EREDUAK ZIKLOZ ZIKLO




DBH

2015-2016 IKASTURTEA
A eredia B eredia D eredia
%0,0 %5,80 %94,20




BATXILERGOA

2015-2016 IKASTURTEA
A eredia B eredia D eredia
%7,20 %5,40 %87,40



LANBIDE HEZIKETA ERDI MAILAKO ZIKLOAK

2015-2016 IKASTURTEA
A eredia B eredia D eredia
%37,80 %31,40 %30,80



LANBIDE HEZIKETA GOI MAILAKO ZIKLOAK

2015-2016 IKASTURTEA
A eredia B eredia D eredia
%45,40 %20,40 %34,20



11 aukera, 11 Lan

Lanbide Heziketan ERE D eredua

Ziklo AUKERA zabala duzu Buruntzaldean eta inguruko eskualdeetan:

- ADMINISTRAZIO ETA FINANTZAK
 - SISTEMA ELEKTROTEKNIKOAK ETA AUTOMATIZATUAK
 - FABRIKAZIO MEKANIKOKO PRODUKZIOAREN PROGRAMAZIOA
 - GIZARTERATZEA
 - BEROA SORTZEKO INSTALAZIOAK
 - ESTETIKA ETA EDERGINTZA
- ...eta askoz ere ziklo gehiago

www.ikaslan.net (ikastetxe publikoak)
www.hetel.org (ikastetxe pribatuak)

Asko duzu IRABAZTEKO:

- Ikasketak euskaraz jarraitzeko aukera duzu.
- Prestakuntza osatuagoa jasoko duzu.
- Herri honetako bi hizkuntza ofizialetako edozeinetan lan egiteko gaitasuna izango duzu.
- Ikasketak euskaraz eginez gero, euskararen jakite-mailaren baliokidetzak ziurtatuko dituzu, azterketarik egin gabe:
 - erdi mailako zikloetan: B-1
 - goi-mailakoetan: B-2



Andoain, Astigarraga, Hernani,
Lasarte-Oria, Urnieta eta Usurbilgo
Udaletako Euskarako Batzordeak
www.buruntzaldea.eus



EUSKO JAURLARITZA
GOBIERNO VASCO

HEZKUNTZA, HIZKUNTZA POLITIKA
ETA KULTURA SAILA